

第一三五冊

方輿彙編

職方典

杭州府部

嘉興府部

(卷)
卷一
卷二
卷三
卷四
卷五
卷六
卷七
卷八
卷九
卷十

古今圖書集成

中華書局影印

欽定古今圖書集成方輿彙編職方典

第九百四十六卷目錄

杭州府部彙考十二

杭州府風俗考

職方典第九百四十六卷

杭州府部彙考十二

杭州府風俗考

本府

通志府志合載

隋書餘杭川澤沃衍有陸海之饒珍異所聚故商賈並湊其人君子尚禮庸庶敦龐

宋歐陽修有美堂記錢塘習俗工巧邑屋華麗蓋十餘萬家環以湖山左右映帶

范仲淹傳吳中喜競渡日出宴湖上自春至夏

居民空巷出游

蘇軾上執政書三吳風俗自古浮薄而錢塘為甚雖室宇華好被服粲然而家無宿春之儲者

蓋十室而九

秦觀雪齋記其俗工巧羞質樸而尚靡麗且事佛為最動

蔡襄雙門記市賈漫欺取予不均富貴倚強蝕

貧誅利盜挾閉藏出沒無常俗尚浮屠布施無節

趙與憲是學記家文雅而人英茂

葛澧錢塘賦俗享再稔之利婦釐八育之綿家蓄鶴膝之器戶衍犀渠之精

明徐一夔告鄉賢文茲邦以德行文學風節事功顯者代不乏人

宋廷佐武林舊事敘制度禮文彷彿東京之盛舊志杭雖華麗富美之區獨仕者咸以清慎相

飭勵多無田園宅第雖樞宰保衡無不然也

田汝成西湖志杭州士大夫居鄉者往往以名節自勵

府志月令元旦先一日灑掃庭內雞初鳴羅列

花綵糕果等物於各神家廟影堂前以米團糖荳祀竈名曰接龍祀畢以米團餉眾謂之歡

喜團次迎歲神次拜各神暨祖先前備燃香燭

三日夕惟影堂則兼供茶飯至燈後始罷大家

眾聚立中堂卑幼拜賀尊長禮畢男子出拜宗

黨親友謂之賀節家設酒散延客酒三五行即

辭出亦有盡醉而歸者按縣志是日中堂架松

柴于爐中繼以栗炭各置柏枝二大束于神前

晨興則以六月六日所取馬齒煎蒸熟食之其

次序則自最幼至最老蓋亦古人飲屠蘇酒之

遺意也武林志餘曰正月朔日官府望闕遙賀

畢即盛服詣衙門往來交慶民間則設奠於祠

堂次拜家長為椒柏之酒以待親戚鄰里以春

餅為上供燕栗炭堂中謂之旺相貼青龍於左

壁謂之行春插芝麻梗於簷頭謂之節節高籤

柏枝于柿餅大桶承之謂之百事大吉自此少

年游冶徵逐凡投喚賣歌韻上翻舞舞棍陽鼓

唱說平話演習歌吹無論晝夜謂之放魂至十

八日落燈然後學呼致書王太返肆裏商客藉

其業謂之收魂俗語云至元日詩詩天無日照草

衢伐鼓鳴鑼曳翠綵金點座春籠錦字花鋪盤

疊古桃符照臺雲物古三瑞花圖筆歌洽四隅

惟有武林行樂早罷歸已醉西湖元且後士

民各攜酒饌紙錢出郭展墓

初三日謂之小年朝仍燒松棚於圍爐中自元

旦至三日皆用赤荳飯并以供神謂之隔年飯

云

立春前一日官府迎春于郭內之東方前陳鼓

吹綵亭故事以導芒神土牛老幼填集街路謂

之看春其所歷人家各設香燭楮幣并用五穀

拋擲之是日焚松柴并蒸炭竟日西湖志餘曰

立春之儀附郭兩縣輪年遞辦仁和縣於仙林

寺錢塘縣於靈芝寺前期十日縣官督委坊甲

整辦什物選集優人婦女裝扮社夥如昭君出

塞學士登瀛州張仙送子西施採蓮諸類種種

變態競巧爭華先時教演名曰演春至日郡守

率僚屬往迎小隊社夥殿以春牛士女縱觀闌

塞街市高聲致語贊揚名曰獻利市至府署官

宴畢輒土牛碎之隨以絲仗土牛分送上官先

達而民間婦女各以春幡春勝鍍金錯絲為紫

燕黃蝶之屬間遺親族綴于釵頭舉酒則鏤切

粉皮雜以七種生菜供奉賓筵嵇宗孟迎春詩

冰雪初乾錦甸開南枝香吐半黃梅龍飛大嶺

朝烟潤鴻戲清江淑氣回鼓吏送寒鳴綠杖農官祈歲獻山盆康衢車馬紛千騎盡道春從太守來

初六日南山法相寺古定光佛誕日士民爭往禱之有摩佛頂至踊謂可以得千者

人日七爲人八爲穀古人正旦畫鷄于門人日貼人於帳元日畫鷄謹始也人日貼人重人也餐七種菜羹剪絲鑲金爲人貼于屏風杭俗今無是舉惟學士之家詩箋投贈或云漢帝承華之會或云宋玉望仙之登往往以此爲題嵇宗

孟詩人日郊晴燕喜天草芽青出岸容鮮春波飲馬雲橫渡午港觀魚風滿船北海樽開殘雪後西泠曲度未花前一從改歲韶華轉水色山光異去年

元宵前後五夜張燈初旬自衆安橋至官巷口懸賣各色花燈謂之燈市通衢委巷懸額綴絲皆以錦緞綵繡爲之如入萬花谷中終夕鼓吹不絕士女駢集至有拾翠遺簪者豪家開宴裝放烟火以娛賓客婆娑子弟亦多製確黃合爲花筒相對角勝負名曰賽花或粘燈謎于上謂之猜燈射中者揭而持去贈以巾帨花爆果核杖頭錢等閑然一笑此鮑照詩謎之遺也近寢衰矣相傳初只三夜錢王納土後乃添兩夜俗以五夜晴明爲五穀豐登之兆驗之信然鄉村婦女於十五夜名廁姑以卜一歲吉凶并置田豐歉按廁姑萊陽人姓名媚子麗卿壽陽李景納爲妾其妻妬之正月十五夜陰殺之廁中天

帝憫之命爲廁神故世人作其形夜以廁間迎祀以占衆事俗呼爲三姑而又有掃姑竹姑輩姑鍼姑之類漢家祀太乙以昏時祠到明今人正月望日夜遊是其遺事是日傳爲上元誕日天官賜福之辰民間多齋素誦經匍匐至吳山禮拜者幾擁塞不得行杭州元宵之盛自唐已然白樂天詩歲熟人心樂朝遊復暮遊春風來海上明月在江頭燈火家家市笙歌處處樓無妨思帝里不合厭杭州

二月初一日自唐李泌奏停正月晦日以初一爲中和節俗有挑菜之會今民間於初二日或戴蓮草和米粉煎爲餅以應節物洛陽記以初二日爲花朝唐人以十五日爲花朝西溪一帶梅花甚盛沿沿十餘里清芬襲人中多別業往往高人逸士托足其間或肩輿小艇載酒殺機襖被有旬日始歸者十九日上天竺大士誕辰三吳士女買舟進香不可億計越州歲進巨燭其大如椽鼓吹導送旛蓋絡繹由北新關至松木塢舟車銜接昭慶以至天竺擺列器皿玩好等物俱成市肆數十里不絕一月有餘窮民賴以爲生自此以往士女爭先出郊謂之探春書舫輕舟櫓櫓集笙歌簫鼓之聲震動遠近其遊之次第先南屏放生池湖心亭岳王墳盧舍庵後入西泠橋放鶴亭日衡牛規始漸散去絳紗籠燭車馬爭門而入日以爲常比來阜亭山劉墳村每當春日桃花盛放一望如雲錦遊人多問津焉是月村墟

里落各釀金爲社會祀五穀神祠奏樂徵歌散則飲福少長咸集極歡而罷昔張演詩云桑柘影斜春社散家家扶得醉人歸續溪志云三月上巳官民皆禊飲于東流水上洗祓宿垢謂之祓禊唐人已曲江傾都禊飲今初三日爲祓聖觀與武帝君誕辰是日有緣竿之戲竿高數十尺徒手直上據竿頂左右盤旋以腹貼竿四體投空忽自擲下捷若猿猴陸陸上已詩三月桃源路東風滿鵲鳩晴烟迷曉樹飛絮亂明湖翠鳥啼春畫青山人畫圖樓多秦氏女墟是霍家奴馬射鋪金埒花茵坐玉壺簪頭銀琥珀鞭子勒珊瑚鵲鵲名厄酒菜黃美錦繡正平方擊鼓彥道共呼盧風管催花落龍舟送日曠更憐多彩筆還嘆得驪珠蔣翹開三徑班生賦兩都樽前草鴛鴦座上薦屠蘇鄴下多名士高陽是酒徒聊傾從事醞不用步兵廚弱體難投筆雄心可棄繻何年傾翠蓋重與泛菰蘆

清明前三日爲寒食節人家皆掃落柳雖曲坊小巷亦青青可愛往時多取之湖堤會記昔人詩云莫把青青都折盡明朝更有出城人南北兩山墓祭者尤多提攜男女酒壺盡植村店山家分餽遊息至暮則花鼓土宜捆載而歸尼庵道院尋芳討勝各有買賣趕趁等人蓋無日不在春風歌舞中也立夏有新茶新筍朱櫻青梅等物雖以枝圓聚核諸菓鏤刻花草人物極其工巧各家傳送謂

之立夏茶民間所食臘肉火酒海螵蛸餅之屬
三月廿八日東嶽帝君誕辰從定光橋進路者
為古東嶽廟從古湧進路者亦為東嶽廟是日
百戲競集觀者如堵所為雜劇清樂耍詞小說
蹴鞠拳棒之屬令遊人應接不暇焉

四月八日為佛誕辰諸寺院各有浴佛會僧尼
競以水盆貯銅象澆以糖水雜以花菓是日西
湖作放生會小舟鱗次多買龜魚螺蚌放之
五月端午門貼五色花紙堂設天師像梁懸符
篆競以角黍五綵絲相饋遺家種葵花一本旁
植艾葉菖蒲飲雄黃酒祀神享先畢各至河千
湖上以觀競渡龍舟多至數十艘岸上人如蟻
畫船非貴遊不得覓一漁艇索錢盈千叙頭符
勝備極工巧攢繡仙佛禽鳥蟲魚猛獸之形綉
紗蜘蛛綺縠鳳蘭虎絨蛇難以名述近日半
山龍舟爭盛諸壩各埠俱于朔日奔赴遊人擁
還不減湖中

五月十三日為漢壽亭侯誕辰十七日為郡城
陸誕辰家祀戶禱各里有會首董其事酬神飲
酒梨園子弟為之一空

六月六日宋真宗以天書再降遂為天貺節是
日多曬經史字畫衣服裘褐之類兼洗六畜是
日街市施茶至七月止三伏則有施香簪飲者
自此以後人多出城納涼北自斷橋以至西泠
南到學士港以至王墳荷花盛開輕盈出水時
取荷葉注酒敷其心曲其柄屈草輪困如象鼻
然啣而飲之放舟蒲深柳密處披襟釣水月上

始選

立秋之日男女咸戴楸葉以應時序或以石楠
紅葉剪刻花葉插髮邊或以秋水吞赤小豆七
粒

七月節物多尚瓜花菱藕桃李蓮房之屬初七
日夕女子對月穿鍼餪餼盆盞飲酒為樂謂之
乞巧以小蜘蛛貯盆內次早觀其結網疏密以
為得巧之多少按桂陽武丁有仙道謂其弟曰
七月七日織女當渡河諸仙悉還宮蓋暫率
牛世人謂織女嫁牽牛也淮南子七月七日織
女赴牽牛鳥鵲填河成道而渡市中以土木雕
塑孩兒衣以絲服而賣之號為摩睺羅
是月十五日係白帝乘時地官按籍各寺院作
盂蘭盆會延請眾僧施食鐘鼓笙磬之聲相聞
是日茹素者十居八九屠門罷市親戚有喪者
各以酒肴撰盒楮錢相饋夜則施食點放荷燈
以資冥福云

八月十五日為中秋節貴家富室綺筵華席銀
燭金樽笙歌繚繞蘭麝氣氤氳民間以月餅相饋
遺或樓臺玩月市里嬉遊有連袂至旦者焉
浙江之潮為天下鉅觀既望至十八日為最盛
始若銀城終如雪嶺千軍萬騎擁擁而來不可
卒遏吳兒有善泅者持大旗爭先鼓勇迎潮而
上出沒于層波巨浪中騰身百變而旗尾略不
搖濡豪富登樓以望爭賞銀線無算
重九各以粉麵蒸糕相貽上插剪綵五色小旗
綵餌菓實栗屑蓮鬚瓜仁松子之屬或佩茱萸

賽飲菊花酒登高覽勝賦詩作序

往例霜降前一日帥府迎旗將左右前中衛所
各營兵編為隊伍次第相承戈鋌矛戟弓矢劍
盾藤牌狼筈鳥銃火炮之類揚於道上以肅軍
威有廳騎數十飛轡往來逞弄解數騰躍上下
不離鞍轡之間猶猿猴之寄木也次日五鼓於
旗幟廟祭旗炮聲振地動搖山岳

十月初一日有司先期啓諸國老庶老高年有
德者于是日舉行鄉飲酒禮又奉郡城隍於武
林郭外社稷壇祭無祀鬼神人多盛服持旛蓋
纓絡香花班進道上肅隊而行或充執事與衛
務極一時之盛是月初旬民咸出城拜墓不異
寒食以餽餘遊南山看紅葉昔人云霜葉紅於
二月花自樵蘇者斧斤日尋其上山無草木猶
之春無烟霞矣

立冬日各以菊花金銀花煎湯澡浴謂之掃疥
曝茶菊以為茗碗之需
冬至日謂之亞歲各以牲菓祀神享先煮赤豆
飯蒸新米糕蒸栗炭于園爐各衙署懸綠黎明
拜表後交相致賀按南宋建都時最重一陽並
如元正三日之內店肆皆罷市垂簾飲博謂之
做節車馬皆華整鮮好婦女小兒服色華炫往
來如雲春桑糕以祀先婦女獻鞋襪于尊長亦
古人履長之義也
臘八以臘月八日名也是日以諸穀米菓煮粥
相饋謂辟邪祛寒却疾消毒名臘八粥
臘月二十四日謂之交年民間祀竈其祭物與

六月同并祀土地亦歲終報享之意祀竈數日前丐者貌竈公竈母裝鍾馗仗劍作擒鬼狀鳴鑼跳躍求乞財物蓋亦古逐疫之意自此饋歲盤盒酒擔羊腔充斥道路僧道作交年疏仙木湯以送檀越醫家亦饋屠蘇藥同心結及諸品香劑于常所往來者其改歲品物牲酒神馬香燭花菓爆杖之類貧富各經營預辦而街坊鼓吹之聲鏗鉤相和具羊豕酒果或三牲報祀城隍百神懸祖先遺像朝夕奉祀以申哀慕接桃符門神春帖并粘鍾馗合家歡樂圖于門戶房壁間若列肆兼貼青龍利市富家則張燈陳鼓男女各新製衣服珠翠以相炫耀焉

除夕炳燭炷香于各神前焚楮幣以送舊祀門祀祖先畢架松柴于門外焚之高與簫齊火光燭天名曰松棚已而張燈熾熾男女同堂少長合坐謂之分歲古有達曙之飲謂之守歲今止夜分而罷是夜路無行人鉦鼓爆竹之聲合城震動不絕

錢塘縣志按舊縣志風俗相別者不悉載張霸傳郡中爭厲志節習經者以千數道路但聞頌聲

左思吳都賦士有陷堅之銳俗有節概之風仁和縣志

宋地理志其人性敏柔而慧尚浮屠氏之教厚于滋味急于進取善于為賈

歐陽修有美堂記習俗工巧邑屋華麗蓋十餘萬家表忠觀記吳越地方千里帶甲百萬鎬山

煮海犀牙珠玉之富甲於天下然終不失臣節貢獻相望於道民老死不識兵革四時嬉遊歌舞至今不衰

成化志士志詩書敦孝悌而恥浮名仕者貴清慎而賤矯激細民服勤所業而事居積就實還淳雅非舊俗矣

仁邑近時士大夫多廉靜自愛謙恭接物無利己以害民自高以卑人故侵漁兼井之患未嘗有之亦無車馬僕從炫燿道上令人不可嚮邇者間或蹈此即清議隨其後矣此士大夫最為近古而非他郡旁邑之所及也

近日縉紳先生尤能以古道自處雖蔬蕘簪而論交不忘貧賤甚至傾身延攬折節下士孜孜汲引不令人知至事關地方利害之大者或昌言議論或潛移默化人蒙其庇而莫知其所

以然者斯又功德之最也

往年營兵恣橫擄奪及于販豎樵採入乎深山窮民困苦無所控告近荷各憲嚴加禁戢其風頓止民間日中為市交易而退各得其所歲時伏臘猶得烹羔勞酒以相往還桑麻無恙羈犬依然予雖不敏奉行德意未敢怠忘也

用兵之地俘掠子女王謝子弟尹姑大家亦不得免焉間或尋蹤而至訪知某營而財殫力竭惟有營門而飲泣耳此間善士輸財効力使得于負其母夫率其妻生出營門重相保抱至於嚴寒積雪短布單衣不能至忻者製氍毹襦褲以全活之嬰兒棄於道路者建屋擇人以收

卹之死無以為葬者給棺以斂之更為置監田設監粥以待繫囚之餓者吉人為善惟日不足殆謂是歟

仁邑士子循循有禮粥粥無能人矜名節家飭廉隅鍵戶下帷惟知讀書稽古此皆昔人詩書之澤賢父兄教誨不倦之力也若夫抗糧武斷則亦此邑之所絕無而僅有者焉

縉紳以至孝廉縣孝廉以至矜士轉相屬也以至齊民皆各有等固不可以貴凌賤大加小往時矯枉過正違道干譽而奸民里得動相挾持使紳士側足禁聲畏罪不暇反致賤凌貴小加大此風又曷可長歟

婚喪非禮也而未成服之三日成婚尤非夫未成服者孝子不忍死其親且時促不暇成服非謂成服而後為喪三日之內尚可即吉也今律但禁服中之婚者謂死後服先必無婚理故不云爾豈許之乎

杭俗多從苟簡習而行之悖理甚矣邇來遵奉上諭十六條每月朔有司各朝服集士民於明倫堂開講從此比戶咸知孝悌守禮畏法其風遂息

記曰喪禮與其禮有餘而哀不足毋寧禮不足而哀有餘也人子不幸而當大故擗踊號哭思慕悲哀而已舉殯之長往而不返者親也而乃陳優于庭囑譚雖坐不知有子卯在堂者微座

日自今朝夕不復設奠矣凡筵杯棹無有存者其為痛心更倍而亦復聲伎入奏滿堂笑樂亦獨何歟悖理傷道莫此為甚惟讀書守禮者挽

此類波焉

觀既醉之詩云朋友攸攝攝以威儀言其相莊以道相輔以仁也若夫謔浪笑傲拳勇相加則是燕朋逆其師燕僻廢其學君子議之矣又書

曰無偏無黨王道蕩蕩近聞社事復興片言不合致分門戶一事相乖遂成水火恐甘陵南北部由此而開俱捐細過借之大道重有望焉

詩言志歌末言凡詩之作皆忠臣孝子勞人思婦之所爲也近日詞學大興率皆妖艷之什靡曼之音以衣冠丈夫而效巾幗之飾以鬚眉男子而修粉黛之容桑間濮上比于慢矣至淫詞麗曲繪像成書以蕩人心而戕人性尤罪之大者凡百君子慎而戒之

杭民半多商賈耳目侈聲色之好口腹恣芻豢之味峻宇雕牆履絲曳綳冠婚喪祭宴飲酬酢無不踵事增華雖素封之家不出數年立見蕭索總由屋多田少根本不固所致也若未作之人負販之流百結藍縷糞不繼者何可勝數庶而加富爲民牧者所當熟籌也

海寧縣志

周禮職方東南曰揚州其民二男五女其數宜稻

漢書漢興高祖王兄子濞子吳招致天下之喜遊子弟枚乘鄒陽嚴夫子之徒與于文景之際而吳有嚴助朱買臣貴顯文辭並發故世傳吳俗巧而少信

餘杭縣志

明沈慶學記餘杭絃誦首善距今二百年餘文風益振人才益盛豈非山川秀氣之所鍾耶王瑛學記荅固材數鄒文敏康靖而後蟬聯簪組代不乏人

俗近還淳富室子弟循循雅飭崇樸素而去浮華遠詐僞而近禮義凡百差役樂於趨事士大夫能以禮義自防婚嫁喪葬一從簡約擅科第登顯位者皆崇尚名節代不乏人

昌化縣志

古志曰民淳訟簡聲教漸被陳居仁儒學記曰僻在巖谷務本力田雖少讀書可驅而之善

錢中丞謙樓記曰恆事耕作樵採以衣食其力嬉嬉于子少闕爭訟計

傳給事東坡亭記曰聲華文物日開日增宋耐得翁古杭夢遊錄自大內和寧門外新路南北寶玉珍異及花果時新海鮮野味奇器天下所無者悉集于此以至朝天門清河坊中瓦

洋壩頭官巷口相心衆安橋食物店鋪人烟浩攘其夜市除大內前後諸處亦然惟中瓦前最勝撲賣奇巧器皿百色物件與日間無異其餘坊巷市井買賣權關酒樓歌館直至四鼓後方靜而五鼓朝馬將動其有趁賣早市者復起開張無論四時皆然如遇元宵尤盛排門私貨民居作肆觀玩饌次不可勝紀

市肆謂之行者因官科索而得此名以其物小大但合充用者皆置爲行雖醫卜亦有職業尅

方輿彙編職方典第九百四十六卷杭州府部

擇之差古則與市肆當行固也內亦有不當行而借名之者如酒行食飯行是也又有名爲園者如城南之花園泥路之青果園江下之養魚園後市街之柑園是也其他工技之人或爲作如名篋刀作腰帶作金銀鍍作銀作是也

酒肆店宅子酒店花園酒店直賣店散酒店庵羅酒店除官庫子脚店之外其餘皆謂之狗戶有茶飯包子店所云庵酒店者謂娼妓內可以就觀而于酒閣暗藏臥牀也門前懸紅子燈上不以暗雨必用著簾蓋之爲記認其他大酒店娼妓只伴坐客而已欲買歡則多往其居

大茶坊張掛名人書畫在京師只熟食店掛畫所以消遣久時也今茶坊皆然人情茶坊本作大茶坊爲正但將此爲由多下茶錢也又有一等專是娼妓父兄打聚處又有一等專是諸行借工買伎人會聚打老處謂之市頭水茶坊乃娼家聊設桌凳以茶爲由後生輩甘于戲錢謂之乾茶錢官府貴家置四司六局各有所業故筵席排當凡事整齊都下街市亦有之當時人戶每遇禮席以錢倩之皆可辦也四司者帳設司庖廚司茶酒司臺盤司也大局者果子局蜜煎局菜蔬局油燭局香藥局排辦局也凡四司六局人祇應慣熟便省賓主一半力今時雖無此名而禮筵率有包辦咄嗟而集他如珠冠禮衣方巾花扇綵轎金擔帷幕吉凶器具皆有置賃者猶行都之遺風也

瓦者野人戶易飲之意也散樂傳樂坊十三部

第一三五冊 之〇三葉

唯以雜劇爲正色舊教坊有咸用策部大鼓部杖鼓部拍板色笛色琵琶色箏色方響色笙色舞施色歌板色雜劇色參軍色有邑長部有部頭上有教坊使副幹轄都掌儀範者皆是命官紹興十一年省廢教坊之後遇大宴則差撥臨安府衙前樂等人充應屬修內司教樂所掌雜官劇中末泥爲長每四人或五人爲一場先做尋常熟事一段名曰盤段次做正雜劇通名爲兩段末泥色主張引戲色分付副淨色發喬副末色打諢又或添一人救孤老其次曲破紛送者謂之把也

諸宮調本京師孔三傳撰傳奇靈怪入曲說唱細樂以簫管笙等方響笙笛用小提鼓之類合動小樂器只一二人合動清樂北馬後樂加方響笙笛用小提鼓

唱叫小唱執板唱慢曲曲破大率重起輕殺嘌唱謂上鼓面唱令曲小謳驅鶴虛聲縱弄宮調與叫果子唱要曲兒爲一體叫聲自京師起撰鄉國市井諸色歌吟賣物之聲採合宮調而成也唯在京只有纏合纏連中與後張五牛大夫遂撰爲賺賺者悞賺之意也

雜扮或分雜班義名扭元子又名拔和乃雜劇之散段在京師時村人罕得入城遂撰此端百戲相撲踢弄雜手熟弄懸絲傀儡影戲

說話有四家一曰小說謂之銀字兒如烟粉畫怪傳奇公說案皆是搏拳提刀趕棒及發蹟懸熊之事說鐵騎兒謂士馬金鼓之事說經謂演

說佛書說祭謂恭禪說史謂說前代典廢戰爭之事台生與起令隨令相似商謎舊用鼓板吹負市朝聚人猜詩謎字謎之類本是隱語有道謎來客念引語說謎又名打謎正猜來客索語下奪商者以物類相似者議之又名對智貼奪貼智思索云智改物類以困猜者橫下許旁人猜門困商者爲喝問句頭調爽假作難猜以定其智

都城天街舊自清河坊南則呼瓦北謂之界北中瓦謂之語化兒中心自五間樓北至官巷南到都街兩行多是土戶金銀錢鈔交易鋪僅百餘家內列金銀見銀謂看銀錢自融和坊北至市坊謂之珠子市頭如遇買賣動以萬數間有富第府富室質庫十餘數皆不以萬貫收質其他如名家綵帛鋪堆上細疋段錦綺繡素皆諸處所無者

委巷叢談外方人嘲杭人則曰杭州風蓋杭俗浮誕輕譽而苟毀道聽塗說無復裁量如某所有異物某家有怪事某人有醜行一人倡之百人之身質其疑較若目親警之風焉起無頭而過無影不可蹤蹟故諺云杭州風會撮空好和友立一宗又云杭州風一把葱花簇簇裏頭空又其俗喜作僞以還利目前不顧身後如酒攪灰鷄塞沙鷺羊吹氣魚肉貫水織作刷油粉自宋時已然載於癸辛雜識者可考也

杭人以冬夏二至後數九以紀寒暑云冬至後一九二九招喚不出手三九二十七籬頭吹嘴

粟四九三十六夜眠如露宿五九四十五太陽開門戶六九五十四貧兒爭意氣七九六十三布衲兩頭擔八九七十二貓狗尋陰地九九八十一犁耙一齊出夏至後一九二九扇子不離手三九二十七冰水甜如蜜四九三十六拭汗如出浴五九四十五頭戴秋葉舞六九五十四乘涼入佛寺七九六十三牀頭尋被單八九七十二思量蓋夾被九九八十一家家打炭塹

輟耕錄言杭州人好爲隱語以欺外方如物不堅緻曰憨大暗換易物曰捌包兒廩蠹人曰杓子樸實曰長頭白賴體言杭俗澆薄語年甲則曰年末語居止則曰只在前面語家口則曰一差牙齒語仕祿則曰小差遣此皆宋時事耳今三百六十行各有市語不相通用倉猝聆之竟不知爲何等語也有曰四平市語者以一爲憶多嬌二爲耳邊風三爲散秋香四爲思鄉馬五爲誤佳期六爲柳搖金七爲砌花臺八爲霸陵橋九爲救情郎十爲舍利子小爲消黎花大爲朵朵雲老爲落梅風諱低物爲輟以其足下物也復諱輟爲撒金錢則又善意全無徒以惑亂觀聽耳宋時臨安四方輻輳浩穰之區游手游食姦黠繁盛有所謂美人局以倡優姬妾引誘少年有櫃坊局以博戲關撲騙財物有水功德局以打點求覓脫騙財貨有以僞易真者至以紙爲衣以銅鉛爲銀以土木爲香藥變換如神謂之白日鬼有剪脫衣服環佩荷包者謂之

覓貼兒其他穿窬肚篋各有稱首至如頑徒欄

街虎九條龍之類尤爲市井之害今之風俗大抵仍之而插號稍異白手騙人謂之打清水網來剪衫袖以掏財物謂之剪絳撒浴無賴者謂之破落戶

杭人言寧可曰耐可音如能可漢書揚越之人耐暑註與能同李太白詩耐可乘明月又耐可乘流直上天皆讀如能言人曾大不坦夷逞獨見以忤人者曰莫莫音如列擊漢書莫莫而無志節言人遇不省事者曰儂儂音萬詩五方造我語知我非儂儂亦曰慈隋書袁寶兒多慈慈得寵憐言人猶豫不前猛者曰墨尿音如迷癡藉不躁暴者曰眠寢音如緬泰出列子又皮日休反招魂上賸昧而下墨尿言人進退不果曰伶儂音如熾賦司馬相如賦伶以伶儂柳子厚夢歸賦紛若倚而伶儂今言事煩煩不易作者曰鄭重法王莽傳非皇天所以鄭重符命之意言人無用者曰不中用史記始皇開盧生竊議亡去怒曰吾將收天下書不中用者盡去之罵人曰老狗漢武故事上嘗語栗姬怒弗應又罵上爲老狗言紛紜不靖曰海紅花蓋海紅花乃山茶之小者開時最繁開故借以爲喻詈人桀猶不循理者曰雜種晉書前燕載記贊曰蠢茲雜種奕世彌昌見人有不當意者曰嘴鼻金史宋破金泗州守將畢資倫不肯降繫獄十四年及肝貽守將納合買住降北望哭拜謂之辭故主資倫見買住罵曰國家未嘗負汝何所求死不可乃作如此嘴鼻也言人聆言不省曰耳邊

風作事助力曰阿瘡瘡武后時南皮縣丞郭勝靜每巡鄉喚民婦託以衣縫補而姦之其夫至縛勝靜鞭數十主簿李懋往救解之勝靜羞諱其事但忍痛不禁低聲唱云勝靜不被打阿瘡瘡衝寒而餓粟卒起曰瘡瘡韓退之關鷄詩磔毛各禁瘡日光微暖曰溫暖王建宮詞新晴草色暖溫暖白樂天詩池水暖溫暖言已是如此曰隔是元微之詩隔是身如夢頻來不爲名問何人曰阿誰詎爲元誰劉先主破成都置酒爲樂龐統諫曰伐人之國而樂之非仁也先主怒曰武王勝商前歌後舞旣而悔曰向者之論阿誰爲失統曰君臣皆失言人有病曰不快華佗傳體有不快起作一禽之戲又曰不耐煩庾炳之傳爲人強急而不耐煩俚語又言要不得蓋人有病則嗜慾不遂要喫喫不得要行行不得意義雖粗亦有可解遷居而鄰友治具過飲曰暖屋亦曰暖房王建宮詞太儀前日暖房來言不潔曰塵糟霍去病塵卑蘭下注云盡死殺人爲塵糟蓋血汚狼籍之意也詬人傭工曰客作三國志焦光餓則爲人客作飽食而已賤丈夫曰漢子北齊書何物漢子與官不就女子及笄日上頭而娼女初薦寢於人亦日上頭花蕊夫人宮詞新賜雲鬟使上頭呼女子之賤者曰丫頭劉賓客詩花面丫頭十二草木穉而初夢者曰始花音如試月令桃始華蟬始鳴註皆去聲言戲擾不已曰鬬音如裏椅叔夜書鬬之不止稱善能營生者曰經紀唐滕王蔣王皆好聚

敕太宗書賜諸王帛敕曰滕叔將兄自能經紀不須賜物鄙人之庸賤微薄者曰小家子霍禹傳任宣謂霍禹曰使樂成小家子得幸大將軍言日間小食曰點心唐史鄭僂夫人云我未及餐爾便可點心言人作事無據者曰沒離當又曰沒把鼻蘇長公詩云有甚意頭求富貴沒些把鼻使奸邪言人不通時宜者曰方頭陸魯望詩頭方不會王門事塵土空縈白紵衣事相邂逅曰豆湊蓋關湊之訛也或言吳越風俗除日互擊炒豆交納之且餐且祈曰湊投始此語所從出欺事多褒貶曰包彈蓋宋人以包孝肅多所彈劾故云包彈畏憚之詞也言人虛偽不檢者曰樓頭蓋宋時何家樓下多亡賴以濫惡物欺人其時有何樓之號樓頭者蓋何樓之惡魁也言人舉止倉皇者曰騰騰馬鹿蓋四物善駭見人則跳起自竄故以爲喻又曰鼠張貓勢亦此意也言人儀矩可喜者曰庸峭音如波峭本梁上小柱名取其有曲折俊俏之意也

古今圖書集成
出自宋時黎國市語

欽定古今圖書集成方輿彙編職方典

第九百四十七卷目錄

杭州府部彙考十三

杭州府祠廟考一

職方典第九百四十七卷

杭州府部彙考十三

杭州府祠廟考一

本府錢塘仁和二縣附郭

府志

社稷壇 在府城錢塘門外西北宋太乙宮故址祀司社司稷之神南渡初置壇嘉會門外後徙城西昭慶寺側咸淳四年築而新之元初廢更立別址後又徙城西南郊錢湖門外明洪武二年建於今處壇制緣以周垣門由西北入垣西爲神庫牲房東爲齋宿所南爲門縣無壇以府壇爲壇牲品仁和管辦二縣一體行禮
風雲雷雨山川壇 在府城鳳山門外西南包家山壇制緣以周垣門由南入垣東北爲牲房神庫西南爲碑亭東南爲齋宿所東爲門地屬錢塘界牲品錢塘管辦二縣一體隨班行禮
厲壇 在府城錢塘門外霍山坊內始於明洪武三年詔天下郡邑鄉隅各設厲壇祀無祀鬼神一年三祭其祭品清明暨十月朔仁和管辦

七月十五日錢塘管辦壇制緣以周垣前爲拜亭南爲宰牲所東南爲廳東爲門鄉厲壇共三百三十所今不可考者多矣故不細載七縣同里社 鄉村每里一百戶內祀五土五穀之神專爲祈禱雨暘時若五穀豐登每歲一戶輪當會首春秋二社祭以一羊一豕酒果隨用祭畢令一人讀培強扶弱之誓

城隍廟 在府城內寶月山宋以前在鳳凰山紹興九年徙今處元明因之宣德間清軍御史吳訥撤寢殿夫人子孫像成化十年寢殿火十一年左布政使寧良重建弘治十六年鎮守太監麥秀巡按御史夏景和重建廟宇神爲浙江按察使周新公名日新文帝嘗獨呼新遂爲名廟制中爲神宇左右爲兩廡前爲儀門又前廟門神宇之後爲寢殿東西爲齋宿所

旗幟廟 在府城太平里普濟橋東明洪武三年建於杭州衛都指揮使司之後八年浙江都指揮使徐司馬徙今處廟制中爲神宇前爲櫺星門外爲大門去宇東數十步爲牲房庖福又東之南爲箭亭宇西爲火藥庫櫺星門之外東西皆齋宿所

忠清廟 俗名伍公廟在吳山之椒吳人憐行人伍員之忠爲立祠宋賜額忠清大中祥符五年海潮衝擊州城詔本州歲春秋祭康定九年守蔣堂重建

靈衛廟 在府城錢塘門外處忌塔山後祀宋錢塘令朱蹕尉曹將金勝祝威皆建炎時死兀

水難者也鄉人立祠勝威瘞所署曰金祝二太尉廟淳熙二年始賜廟額曰靈衛景德咸淳中先後賜封號朱曰顯忠侯金曰忠佐侯祝曰忠佑侯按錢塘縣志蹕安吉人朱建炎三年爲錢塘令金人由西溪度天竺而進蹕同勝威率義兵戰死按小滴水橋亦有靈衛廟專祀朱也

忠烈廟 在府城西湖北樓霞嶺之陽祀宋少保鄂國武穆王岳飛飛死後孝宗爲雪其冤改葬於此復官賜諡即磨智果院爲祠賜額曰褒忠衍福寺寶慶二年改諡忠武嘉定四年封鄂王宋亡寺廢王之六世孫孫迪起之未幾復廢至元間僧可觀訴於官復之杭州經歷李全慨然重興廟有王像以其子雲雷震霖霆祠焉後作寢堂像王及夫人與其女至正中加號保義廟尋燬明洪武四年正祀即與寺址復建祭以歲十二月二十九日王忌辰也景泰間杭州府同知馬偉修飭祠墓請於朝賜春秋祀及今廟額後漸傾圯至

皇清康熙二十一年三韓羅文瑜感異夢誓爲修復後文瑜爲兩淮都轉運使捐金重建

忠佑廟 在府城泉署門內左偏宋紹興三十一年以岳武穆王故宅爲太學立土神祠祀王王卒時有女尚幼痛父冤抱銀瓶赴井死元至正中祀於祠俗呼銀瓶娘子廟井在廟東北明正德十四年按察使梁材築亭覆之榜曰孝娥井提學劉瑞有銘春秋憲臣致祭

顯忠廟 在府城長生橋西宋紹興初建祀漢

博陸侯霍光初廟在秀州宣和間賜額紹興始建於杭禱祠應若影響嘉泰紹定間兩有反風滅火之異元統初火延青湖岸焦土者萬有餘區焚死者不可數計神復顯靈如嘉紹時廟貌如故民慮有賴於是士民茸廟以答明貺

崇善廟 在府城北阜亭山祀晉杭州刺史陳項項會稽人仕東晉嘗使北羈雷三年仗節不屈拔劍斫臂後復命歷青揚荆廣四州刺史食邑錢塘海鹽鹽官三縣卒葬阜亭山因廟焉梁大同二年封典善又改封崇善紹興中賜額靈惠寶祐六年以神見空中憮退北寇遂列王爵又北良一圖淳祐橋西亦有崇善廟祀陳項

顯祐廟 在府城舊百萬倉西祀隋司徒陳果仁果仁晉陵人仕隋至司徒沈法興謀叛忌其威名召食毒死之忠憤赫弈竟以神矢斃法興唐武德初嘉其功封忠烈公後梁封福順武德王後周加帝號宋咸淳四年安撫潛說友以禱雪祠下有應乃崇新之

東平忠靖王廟 在府城秀義坊為唐雖陽刺史張巡祠宋建炎二年建明洪武三十年修葺布政使王純為記嘉靖十五年重修萬曆二年南京刑部員外郎海寧沈友儒書事實序於廟壁巡子亞夫以巡死國拜金吾大將軍巡守睢陽時善出奇敗賊因名千勝將軍宋時祀祀汴都巡廟南渡後杭人別祠新安坊橋元統間火

明洪武間重建
嘉澤廟 在府城安樂橋東香餅園巷祀唐杭

州刺史李泌初民德泌立祠祀之宋嘉定中賜額咸淳中潛安撫說友拓地重建又祠在西壁坊名李鄩侯祠一在湧金門城下俗呼西井寺亦祀唐李鄩侯泌

廣衛廟 在府城錢塘門外霍山祀唐僕射張渤按宋初會要渤初祀廣德軍之祠山宋康定元年封靈濟王崇寧三年賜廟額宣和二年封忠祐紹興間兩加昭烈正順杭屢以兵旱昭答未有妥靈之地乾道五年始建祠今處景定二年洪安撫潛咸淳四年潛安撫說友前後修葺

潮王廟 在府城芳林鄉又名石姥祠祀唐石現魂生而靈異嘗築堤以捍海潮功未就竟死於海咸通中官為立廟封潮王宋宣和間睦寇犯順韓世忠帥兵禦敵見空中旌幟書石姥潮王號因奮勇大破之嘉熙間潮水潰堤漂沒民居人力莫能禦京尹趙與憲躬騎祠下潮復故道事聞於朝加封顯德忠惠王

金華將軍廟 在府城湧金門內祀將軍曹果果真定人仕吳越為金華令平叛兵有功擢守婺後錢氏入朝委以國事果即城隅浚水池曰湧金既沒民德之立祠池上咸淳初安撫李希廓而大之以湧金池三大字刻石列於廟右

嘉澤廟 在府城錢塘門外其神稱錢塘龍君吳越時表封廣潤龍王累封為靈淵溥濟侯宋乾道五年安撫周淙以禱雨應重建寶祐間安撫馬光祖更創咸淳五年安撫潛說友又葺而新之按嘉澤廟有三祀李泌一祀錢塘龍君

昭節廟 在府城保安坊相傳後周時有喬亢陸軌者仕為殿侍東第三班宋太祖受禪二人守宣祐門拒弗納既乃自他門入二人死之太祖以為忠聽本班廟祀南渡後立廟吳山民居火顯靈空中火爇息民賴以安寶祐三年賜額景定中凡三封侯爵

昭顯廟 在府城渾水閘南祀兵部尚書張夏夏嘗以司封郎中為兩浙轉運使築堤捍江杭人德之立祠堤上俗稱張司封廟慶曆二年贈太常少卿大觀二年封寧江侯改封安濟公明成化間工部侍郎李頤來治潮患禱神而應即舊址重建

協順廟 在府城石塚祀宋陸圭圭昭慶軍人宣和中以兵馬都監引兵進攻方臘敗死為神紹興間陰却海濤以衛江岸淳祐中潮圯岸屢築屢不就神與三女浮石江面以成浙西帥臣徐桌聞於朝賜廟額封廣靈侯并封其女

廣福廟 在府城鹽橋上祀宋蔣崇仁崇仁世居興德坊喜施賑每秋成貯穀貴時以原價售之且聽糴者自量囑弟力行好事里人德而祀之咸淳初賜額廣福六年安撫請於朝封之兄弟皆列侯廟食曰孚順曰孚惠曰孚祐廟在鹽司屢燬屢葺茲蓋蔣氏苗裔私祀於村者

顯功廟 在府城寶石山西祀宋布衣岳琚琚錢塘霍山人建炎三年冬完顏宗弼由獨松關犯杭州守臣遁於緒堦乃募勇士三百人推錢塘令朱蹕為謀主金祝二尉為先鋒誘敵由西

溪並天竺東來塹葛嶺編竹覆泥以陷之敵乃從南壁寇城西竭力戰死焉郡人請於朝立祠祀之

靈惠廟 在府城孝女北管下墟祀宋謝達謝緒達字明遠晉太傅安次子炎之裔也徽宗時提舉淮浙避蔡京隱於石門嶺嘗歌靈運詩云

踏險築幽居披雲臥石門乃終身焉沒後屢著靈異庇廕一方鄉人立祠祀之咸淳中勅封廣德侯建廟本里賜額靈惠歲以三月社會緒達之孫也元末預變於鄉人曰吾飲恨九泉百餘

年今幸有主越數日黃河北徙其驗也汝輩當歸新主明年春呂梁之戰吾其助之丙午春黃河北徙九月明太祖取杭州丁未二月傳有德

與賊大戰呂梁見金甲神人空中耀馬橫擄擒賊衆大潰成祖議海道不便復修漕運凡河流淤壅力能開之舟將覆溺力能拯之神之顯著

于黃河特甚嘉靖中奉勅建廟廟臺縣隆慶中遣兵部侍郎萬恭致祭封金龍四大王

通靈廟 在府城超山俗名黑龍王廟宋嘉定間趙忠憲爲宰禱雨屢應乃請賜額封通靈惠應宜濟昭惠侯

廣靈廟 在府城石塘壩宋景定四年潮壞江堤里人立東嶽溫太尉廟請於朝賜額咸淳五

年封正佑侯餘自李將軍以下九人皆賜侯爵李曰孚佑錢曰靈佑劉曰顯佑楊曰顯佑康曰

安佑張曰廣佑岳曰協佑孟曰昭佑章曰成佑晏公廟 在府城武林門北夾城巷內祀元晏

方輿彙編職方典第九百四十七卷杭州府部

成仔成仔江西清江鎮人元初輸文錦於上都因而尸解人以爲神立祠祀之後爲崇果寺伽藍元末兵燹後顯靈江湖間明洪武初封平浪侯四年沈原草創祠舍有像二十三年浙江都指揮儲傑以督漕獲庇乃捐俸建爲今祠

履泰將軍廟 在府城西湖金沙灘祀吳越時孫顯忠始建年月莫考明萬曆癸未夏旱郡守張振之率僚屬士民徧禱不雨一夕將軍降乩示以禱雨所嚮且爲之助明日遂雨三日廟故

陰將傾圯矣是年秋即拓地新之申著爲令歲夏秋仲月令邑丞以下致祭

旌忠廟 在府城豐樂橋東俗名三聖廟又爲旌忠觀祀宋高永能景愚諡程博古始廟食於鳳翔府南渡駐蹕遷於杭在清泠橋北隆興初

取其地營建德壽宮乃撤覺苑寺以祠嘉泰元年燬於火主營陳元直倡復益以內帑及諸巨室所助規模更侈尙書黃由爲記元初復燬明

宣德四年重建易名觀名仍爲覺苑寺奉三神爲伽藍嘉靖二十三年巡按御史高節知府陳

一貫撤釋像移置正宇觀仍舊額每歲十月初三致祭三十二年知府孫孟開宇省像新其門

廡

施公廟 在府城伍公廟前神即宋殿司小校施公全也愷泰槍奸邪誤國懷刀刺之不遂被執槍鞠之罵曰汝豈病心耶全曰丞相病心爾

國人皆欲殺賊汝獨議和非病心而何槍怒礮於市邦人憐而立祠

梓潼廟 卽文昌祠也在府城吳山燬於火巡撫部院金鉉倡募重建按文昌祠徧四境與關壯繆等故自仁錢以及他縣皆不載以不可徧載也按縣志宋尉吳曠之叛定蜀蜀人牟子才立帝君祠自牟子才始也

惠應廟 在府城吳山至德觀右宋東京土神南渡移像至杭民祠禱之

火德星君廟 宋南渡後建於府城吳山以奉熒惑明洪武中方伯黃純未樂中參政易果重建今
皇清康熙四年道士孫應元重整神像二十五年殿巡撫部院金鉉倡募重建
忠勇廟 在府城九里松宋統制張玘解海州圍立廟祀之
靈隱廟 在府城飲馬橋神姓蔣諱通生平性直好善事親孝宋紹興十一年七月端坐而逝次年疫作是境無恙有父老夜夢神衣紫橫金曰某將通上帝命我護境今疫不侵吾之力也於是奉而祀之境有虎疏禱於神遂擒二虎時旱境內獨有雨民賴之事聞於朝賜額
關王廟 一在府城清波門重城內一在候潮門重城內一在城北隅一圖一在跨虹橋北一在佑聖觀內一在靈隱觀側一移在書居庵前白馬廟 在府城肇如坊壽域巷左舊志名護國天王堂世傳泥馬渡康王見宣和遺事今鄉人奉爲土穀神
水神廟 在府城寶月山祀水德神其上爲龍

神祠明萬曆間郡民姚世明募建歷濟火患廟中有金龍泉

華光廟 在府城布政司東祀華光神元延祐間封號按縣志在華光巷西新橋即與教寺

皇清順治八年僧若羅重募建

小城隍廟 在府城保安坊里人奉爲土穀神

馬腔廟 在府城溜水橋世傳馬姓二人東西居共爲田園之勝故名元羽士張伯雨嘗寄寓此明萬曆三十六年重葺

屠墟廟 祀漢劉璋在府城古蕩相傳有神降於巫問里人曰今廟何人也里人曉曰不知父老祠之久矣神曰不知而祠之無乃虛父老之惠乎且爲神主此爲地方福垂數百年而不知姓名可乎因書曰吾漢劉璋也於是香火益盛

東安濟廟 在府城馬坡街祠宋司封郎中張夏俗名祖廟又名太平院

北勝廟 在府城祠宋北勝將軍里人沈氏施宅拓之

三義廟 在府城湧金門外

古東嶽廟 宋咸淳中建相傳規制弘敞香火最靈舊蹟在中台之中明萬曆間冢宰張恭懿公論葬與之相鄰遂徙建於此

皇清初領圮康熙九年仁和章念修錢塘倪咸亨重建

汪王廟 在府城吳山大觀臺之麓唐節度使名宦祠也王諱華唐高祖時以保障有功得封越國稱王使持節欽宣杭睦婺六州諸軍事

明洪武間封廣濟惠王

興漢帝君廟 在府城舊堤村神即西楚霸王項羽也而曰興漢何也或曰當楚漢爭雄之時使非羽殘忍以致人心怨怒則漢不驟興由後論之羽爲漢驅除難謂之與漢可也

二郎神廟 在府城忠清里神姓鄒諱遐字應遠陳郡人也自幼勇力絕人氣蓋當時人方之樊哈桓溫以爲參軍數從征伐歷冠軍將軍數郡太守號爲名將襄陽城北水中有蛟數出害人遐拔劍入水蛟遶其足遐揮劍截蛟數斷而出自是患息鄉人德之爲立祠祀之以其嘗爲二郎將故尊爲二郎神

白澤大王廟 在府城純禮坊宋眞宗景德年間遼兵入寇寇準倡議請帝親征時六師所食仰給海運準遣中尉梁元帥專督漕運行至海中適有猛獸號白澤者出沒海中洪濤陡作運船幾覆忽見空中一人乘龍馬揮鞭驅逐白澤趨服洪濤頓息糧運以全因建祠祀之逮後奏請勅封土神

皇清康熙間里人顧鳳文重修

糜相公廟 在府城艮山門南神姓糜諱竺字子仲東海人事昭烈爲安漢將軍

諸葛明王廟 在府城宮園路神乃蜀之南陽令未考何人及何時創祀

順濟聖妃廟 在府城艮山門外神本莆田林都檢女自幼不室數著靈異死後祠於莆之聖堆江口白湖宋宣和五年賜順濟廟額又有別

祠在候潮門外蕭公橋他如閩廣浙江淮甸凡瀕海之地往往廟焉

惠順侯廟 在府城江塘宋嘉定五年二月江湖衝嚙石塘帥漕建廟以禱咸淳二年勅賜忠順廟額四年九月壽和聖福皇太后重建廟址陷於海遂廢

順濟龍王廟 在府城湯村鎮宋政和五年郡守李偃以湯村嚴門白石等處江湖侵嚙奏請同兩浙運使劉既濟措置置斃石砌岸因建廟累封靈應昭應嘉應三王廟址陷於海遂廢

申將軍廟 在府城臨平斗門橋北三十步今廟有殘碑宋季人撰謂爲申包胥鄉人於此祈禱多應

楊和大王廟 在府城方輿神姓楊字沂中宋人紹興間賜名存中宇正甫代州崞縣人宣和時山東河北盜起存中應募累戰積功至中翊郎天姿忠孝勇敢大小二百餘戰身被五十餘鎗屢立奇功羣將敬服宿衛出入四十年最寡過高宗禮遇殊渥孝宗以爲舊臣尤禮遇常呼爲郡王而不名祖宗間父震及母皆死難存中既顯請於朝宗閣諭忠介震諭忠毅賜廟曰顯忠日報忠又以家廟祭器爲請遂許祭五世前之所無也嘗營居鳳山十年而就極山川之勝後獻於朝更築室焉又葺園亭於湖山間高宗爲書水月二字由是觀之廟之在方輿者必爲別墅私祠後遂封以爲土神云

周絳侯廟 在府城臨平鎮晉建武元年侯裔

孫卓卜居臨平即其地祠侯宋建炎中金人犯杭居人為柵環廟以守仰視旌旗蔽空書曰漢絳侯周勃皆羅拜而去自是靈異著聞有禱必應

白龍王廟 在府城臨平東山下有龍祠在洞側

資福廟 神姓張名憲宋岳武穆王之女塔也以號勇聞從王征伐屢著奇績並為奸相秦檜所忌與王同日遇害其墓在棲霞嶺之西畧定

二年追封為烈文侯浙人思之乃為建廟於江干之忠壯鄉蓋其地亦以侯得名也

昭忠祠 在府城仁和縣忠清里祀唐右僕射褚遂良里為遂良故居舊有祠鄉人歲祀之明

成化十三年郡人周景請於朝詔有司新其廟宇入祀典廣西右參政朱鏞為記忠清里有通聖廟即宋瓊花園也神為遂良九世孫諱載性

行端潔學問淵博先家廣陵傳繼綬錦法歸寓故里業益精迄今里人善繼綬錦自神始也歿後屢著靈異里人忽見神曰余承上帝命以忠

臣後裔平生正直命廟食瓊花園由是為立祠題曰通聖云

忠節祠 在府城筆架山方家峪祀宋贈秘閣修撰諡忠節徐應鑣明弘治十八年賜祭文祠

額正德十一年知府梁材始建祠自為記萬曆四年知縣姜名訓導黃金聚以祠宇傾圮請於

左布政使王應顯右布政使張任撤廢祠邑人傳相舍地四畝展舊基之前改建武英殿大學

士餘姚呂本為記

褒忠祠 在府城錢塘學宮之東改清軍公館為之祀明建文時死事諸臣翰林院修撰王叔英文學博士方孝孺江西副使程本立副都御

史陳性善太常寺少卿盧原質左拾遺戴德彝都給事中龔泰戶部侍郎卓敬盧迥谷府長史

劉璟蕭縣知縣鄭恕東平州吏目鄭華監察御史鄭公智陝西僉事林嘉猷萬曆二年巡按御

史蕭廉奉詔請建武英殿大學士餘姚呂本為記

旌功祠 在府城三台山祀明少保兵部尚書贈太傅諡肅愍于謙弘治三年訓導備行禮科

給事中孫濡謙子府尹冕先後陳請命下建祠墓所賜額汀州府知府海鹽張寧為記嘉靖十

六年巡按御史周汝員屬錢塘知縣李念新之嗣是而巡按御史傅鳳翔閩鄉王紳巡鹽御史

高封相繼協修提學副使南昌張整為記按錢塘縣志于公歿未幾里人言公靈爽如在有求

公示禍福得失者臥公祠下輒得異夢鏡未來事如響之應聲於是祠下多攜酒醴以祈夢四

方之士亦多至者

忠烈祠 在府城樓霞嶺之東故中官劉瑾舊祠址也明祀杭州前衛指揮使陳善道吳懋宣

冠帶總旗張備海軍衛指揮使滿朝采陳馬呈圖千戶王繼隆百戶康毅楊臣王相姚岑呂鳳姜楫海門衛立功指揮使俞亨昌國衛百戶陳

縣典史奮登皆以倭寇之變竭力捍禦陣亡於海寧衛緒山長沙灣等處地方嘉靖三十二年巡按御史趙炳然請於朝天子愍之特勅建祠

祀以春秋二祭

褒忠祠 在府城樓霞嶺之東改鳳林寺舊址為之祀明左擊將軍宗禮都指揮使邵昇指揮

僉事姚弘贈指揮僉事于岳皆以倭變力禦陣亡拓林三里橋等處地方嘉靖三十七年總督

都御史胡宗憲請於朝建祠春秋致祭

忠節祠 在府城寶月山下東衛祀吳行人伍員唐僕射褚遂良宋少保岳飛明太傅于謙初

明弘治十年巡鹽御史姚壽建忠節坊於今祠右提學僉事上蔡李選學為記歲久記石亭圯

址為有力者佔據嘉靖十六年岳氏于氏洎諸生翁相張乾元等白巡按御史周汝員復其地

撤淫祠材建今祠十七年巡按御史傅鳳翔飭有司歲祀以仲秋之望邑人吳鼎為記隆慶元

年巡按御史王得春改祀於報功祠萬曆三年巡按御史吳從憲仍復故祠以祀

兩浙名賢祠 在府城西湖孤山之陽祀漢嚴光唐陸贄宋林逋趙抃王十朋呂祖謙張九成

楊簡明宋濂王琦章懋陳璘趙晉浙產也隆慶六年巡按御史謝廷傑即陸宣公舊祠改祠而從宣公像於祠前之恩綸閣顏其門曰西湖書院四賢祠 在孤山之陽祀唐李泌白居易宋林逋蘇軾初祀白文公於竹閣後增林蘇二公因名三賢堂紹興間廢府尹周宗徙寄水仙王廟

廡後尹袁韶徙建廢花塢元廉訪使徐琰祀於西湖書院明天順間知府胡濬復建今處成化十年大加修飾正德元年知府楊孟瑛祀李鄴侯再易今祠祀以春秋

張烈文侯祠 在府城東山街口張憲墓所以祀憲也憲以景定二年封侯爵明正德十五年鎮巡藩臬諸司始建祠以祀

翊忠祠 在府城忠烈祠神宇之西祀宋施全劉允升全宋殿司小校也憤槍手刺之不遂磔於市允升建州布衣也聞岳武穆被逮詣闕上書訟其冤檜大怒下棘寺論死邦人因並祀之每祭武穆王畢致祭

忠節祠 在府城今按察司署內左偏祀明浙江肅政按察司王良正德十三年按察使梁材以舊水監亭改建

同仁祠 在府城武林坊祀明巡撫江南都御史諡忠烈餘姚孫燧兵部尚書諡端敏前江西按察副使仁和胡世寧新建伯巡撫江西都御史諡文成餘姚王守仁歲以六月十四日祭

揚清祠 在府城忠清里改疑真觀爲之祀明四川按察僉事王琦刑部郎中項愷皆里人也正德十六年巡按御史唐鳳儀始附祀於褚僕射祠改祠曰忠清嘉靖二十年知府陳仕賢別建一祠隘陋不稱二十三年提學副使孔天尹知府陳一貫改祀今祠春秋致祭一貫爲記二十七十七年燬二十九年知府孫孟重建

報功祠 在府城忠慶巷內改百法寺廢址爲

之祀明總督尚書胡宗憲初嘉靖間士民始建於吳山之巔隆慶三年巡撫都御史谷中虛改建今處萬曆四年巡撫都御史謝鵬舉徐杜先後增修歲春秋致祭賜舉爲記

旌德祠 在府城保安坊即旌德觀宋通問副使朱公祠 在府城九里松公名弁文公從祖宋紹興間使金見執爲文哭徹宗有嘆馬角之未生魂消雲零攀龍髯而莫逮淚灑冰天之句祀典久廢

皇清知府馬如龍詳復之歲給錢塘縣學租銀五兩致祭

忠烈二侯祠 在棗木巷祀宋烈文侯張憲繼忠侯岳雲憲武穆王部將驍勇絕倫常統兵出戰屢立大功雲武穆王子自幼膂力過人常持鐵椎約重八十餘斤出入行陣所向風靡二將素爲金所畏後因秦檜與金連謀欲殺武穆以及雲憲誣以謀反陰害武穆於大理獄戮雲憲於衆安橋市曹二將常顯靈於斯地故里中建祠祀之至孝宗時武穆冤白贈爲鄂國武穆王

憲爲烈文侯雲爲繼忠侯改額爲忠烈二侯祠忠義祠 在府城忠慶巷口祀宋施全祠始建年月莫考後燬明成化十一年重建

龍王祠 在府城南山風篁嶺龍井之上宋寧宗封嘉應靈潤普惠廣壽王今旱禱雨其處每有靈應

黃龍祠 在府城錢塘門外掃帚塢宋淳祐間建以禱雨有應封靈濟侯賜祠額曰護國龍祠

元至正末兵燬明洪武七年夏久旱監司郡守相率致禱祠下三日而雨是冬命遇判王佐即舊址建祠題今額

嚴指揮祠 在府城最樂坊祀明嚴德德字君輔當塗采石人少驍勇善騎射年二十爲小校隨征平江浙有功陞指揮同知守禦杭州洪武元年統軍取台州力戰死追贈驍騎上將軍副大都督府事上護軍天水郡公

憐忠祠 在府城太平坊南新街

發祥祠 在府城南屏山西麓祀明昌化伯卻林以誕生孝惠太皇太后也先是林卒時權厝北山青芝塢嘉靖十八年林孫錦衣衛指揮輔請於朝詔守臣擇今地遷官營葬爲之建祠墓下給公祀田八頃賜金額

動賢祠 舊名天真精舍在府城天龍寺之左祀明王文成守仁嘉靖九年門人薛侃等建萬曆初燬天下書院偁爲民業十二年都御史蕭康奏復之賜額曰動賢春秋致祭以徐愛冀元亨薛侃鄒守益歐陽德王艮王臣劉魁錢德洪王畿蕭康陳善配享祠前有宋籍田太極亭先是康聘陳善主教修復祠宇塢置祀田畧刻祠志久之權歸學職漸至蠹食祠亦傾圮萬曆中

錢塘知縣聶心湯重建太極亭補刻陽明全書清理租稅歸縣祭祀之外餘羨以供諸生講學之費未爲定規

陸宣公祠 在府城孤山之陽祀唐宣公陸贄按錢塘志本明中書舍人洪澄別墅疏泉葦石

喬木數千章，紮帶左右，最為佳麗。後屬陸炳炳，自謂系出宣公，創祠祀之，規制弘敞，冠冕一時。炳事敗後，入官以名賢，得不廢，後改名賢祠，已而宣公後裔復之，今專祀宣公。

名賢祠 卽陸宣公祠也。炳既敗，以名賢不廢，明隆慶間，侍郎豫章謝廷傑益以嚴光林通趙抃王十朋呂祖謙張九成楊簡宋濂王琦章懋陳運陶大臨並祀焉。宣公非專祀矣。後以宣公子孫修葺，仍曰陸公祠。

淮安忠武王祠 在府城前洋街，神爲元丞相伯顏，方其統兵，平宋能不殺侯宋國母幼君出降，保全一城，故死後祠之。明翰林學士承旨劉敏中撰記。

蕭鄧侯祠 在府城睦親坊新慶巷，侯卽漢蕭侯。

張宣公祠 在府城清波門外方家峪，祀宋張宣公南軒先生。杖南渡，家杭，勅立專祠。向在錢塘下扇里，明萬曆甲辰，錢塘知縣蕭心湯准其後裔應選告，移建今處。近萬松書院，以便學者瞻仰。歲久後嗣單寒，後將傾廢。

皇清康熙甲戌，裔孫仁和庠生嘉樹道焜德煜以祠圯，祀廢，曰於巡撫復春秋祭祀。

朱文公祠 向在西湖錦塢山後，奉巡按督學行令移建孤山之陽。祀宋朱文公嘉昔公爲浙東提舉，修舉荒政，釐革病民諸事，又治台州置書院，申教條，立社倉，寬通負，奏錫丁絹輸，築陸開開滑河渠，修治塘岸，其有功於浙最深。孫銘

仕浙官運使，因家焉。宋末避兵海昌，已而復居武林。明嘉靖四十四年，杭郡學生楊洲等援題，准立祠，致祭。事例白於督學秦榮，謂朱子提舉浙東，有遺澤于孫，亦在茲土，應得專祠奉祀。遂建祠錦塢山，題額紫陽書院，督學蘇濟喬因阜先後錄裔以守。春秋動支仁和縣學租八兩，遣官備祭。

皇清順治丁酉，公裔孫以錦塢山峻歲久傾頽，白於督撫陳應泰，巡按王元職，督學谷應泰，移建今處。

邵弘毅先生祠 明萬曆初，建於玉泉山後，徙靈鷲山。

皇清康熙辛酉，五世孫錫蔭更建一祠於西湖並有像。

龍王祠 在府城西湖壓堤橋之北，明嘉靖十九年，杭守陳仕賢因禱雨有應，建三十年守孫孟重修。歲久傾圮，萬曆十四年，守余良樞重建，自爲記。今圯乃移於孤山下望湖亭遺址。

龐公祠 在府城鳳林寺右，祀明御史龐尚鵬，萬曆十二年建。

阮公祠 在府城武林門外，祀明都御史阮郭扁額，忠定隆慶六年，建李春坊記。

甘公祠 在府城芝松里虎林書院之陽，祀明浙江巡撫甘仕焄，以陳善敬亭配，萬曆三十七年，建。

李公祠 在府城錢塘門外，響水關，明崇禎十年，建。祀明北權李思敬，號槐臺，萬曆辛卯舉人。

揚州興化人，初令永豐，有善政，權北關清惠愛，商不奉詔，增稅第清，漏卮而常課足，公餘輒屏騶從，低徊兩峰六橋間，及守括蒼，罷採薪嚴保甲，建麗譙，興文學，所創皆不可朽，歿之日，杭括詆思不已。具呈督學崇祀，名宦并祀其子長倩，字瞻麓，崇禎甲戌進士，由歸安知縣陞禮部儀制司主事，至兵部尚書，俱肖像西湖。

子貢使越祠 在府城柳洲亭左。

皇清左布政使新鄉張縉彥建。

宗聖會子祠 在府城祀先賢曾子，原籍山東兗州府嘉祥縣，南武城，其後裔會開因宋南遷，扈蹕至杭，遂家焉。後裔立爲祠。

二程夫子祠 祀先賢二程子，相傳尚有二程夫子祠在郡城西河下歲久荒圯。

皇清康熙十七年，督學合肥程汝璣允其後裔之請，改築吳山之陽，制府李之芳中丞陳秉直咸建額，顏其堂錢塘令梁允植申請，載入邑乘，與紫陽朱子一例。歲支學租十兩，供春秋祀事後，因學租裁半，其後裔復援武肅之例，請於仁邑大祭，項下節省銀五兩，得符原定之數，以光俎豆。

杭守顧岱據錢令連所申請，轉詳布政使石琳上達巡撫都御史王國安，允行，適其裔程汲任杭郡司馬，躬爲主祭，錢前學使汝璣文於石，劉公崇報祠。在府城聲如坊忠慶巷，祀明巡撫劉畿，隆慶間建。

范公祠 在府城孤山卽四賢堂舊址，祀皇清兩浙巡撫范承謨字觀公，順治壬辰進士，以學

士出爲浙江巡撫有惠政後晉福建總督死耿逆之難巡撫趙士麟批准歲給錢塘學租銀八兩以備祭祀之用

表忠觀 在府城湧金門外祀吳越武肅王錢鏐鏐子文穆王元瓘瓘子忠獻王弘佐忠遜王弘侖忠懿王弘俶宋時在觀龍山熙寧十年知

杭州趙抃請於朝建元時毀於兵明嘉靖三十九年總督都御史胡宗憲巡按御史周時盛洎落泉諸司以靈芝寺改建寺蓋王故苑也仍舊額曰表忠春秋縣令祭之

海寧縣

風雲雷雨山川壇 舊在縣南二百步明成化十三年海患圯圯十五年重建去城八十步正德三年知縣丁儀建屋築垣嘉靖十年知縣胡堯時修飾壇宇制度高廣與社稷壇同

社稷壇 在城北白馬廟後莫詳所始宋政和間令歐陽珣即其舊而新之元至正三年建於州北一里大德五年議置西南郊如制更立木主明洪武十一年改建縣西北三里正德三年

知縣丁儀復改建今處增置宰牲齋宿等舍邑厲壇 在拱辰門外去縣二百六十步周十丈綠垣築壇置庖舍三楹

鄉厲壇 每里立一所

里社壇 每里立壇與鄉厲並

城隍廟 在縣北二百六十步城隍之名古不經見惟唐李陽冰有當塗縣城隍廟記則在唐已有之矣宋圖經考異神邑人稱爲永固王臨

安志本府城隍舊號永固廟據此則通言一府矣紹興三十年加封保順通惠侯邑人稱王恐非是則是宋而城隍著於祀典矣明高祖封天下府城隍監察司民威靈公縣城隍監察司民顯佑伯越三年詔革封號用木主止稱城隍之神

旗纛廟 在縣所廨後明洪武二十五年建後改壇周垣二十六丈壇方廣四丈七尺高丈八尺

許公廟 在縣西一百三十步宋雍熙間建天聖淳熙間重修專祀睢陽太守還後增祀張中丞巡宋紹興八年知縣胡旣與邑人禮部侍郎張九成請於朝增祀南齊雲雷萬春姚開詔許之明洪武四年以海寧許公生地宜獨祀公歲以十月十六公死之日祭正德十六年增春祭三皇廟 在縣西北二百三十步宋始立廟明

洪武間廢按三皇廟杭郡縣共有八處禹秦二皇廟 在硤石宋仁宗嘉祐四年贊寧大師撰記有曰封岱宗而禪會稽茲稅輦祀蓬萊而禪王氣於此舍杭以其疏鑿山川翕張鬼物故立禹秦之祠禦焉

陸司空廟 在縣東四十八里祀陸遜遜嘗以屯田都尉領邑事有惠於民故立祠祀焉

福濟廟 在縣東八十二里金牛山下祀唐蘇阜二將軍相傳二將軍逐黃巢至此不獲遂死之因立廟宋高宗有祝文按舊圖經云山下有阜小郎碑紹興初碑尚存已不知何代人而高

宗祝文有云義氣同稟緣逐金牛牛沒尾掉空回可羞拔劍自刎殊無怨尤則又與圖經異矣白馬神廟 在縣北二里劉拱祀曰郭北大廟有白馬神最顯去冬有殺人而亡者捕未得既夕宿庵東苑夢神告曰旦且獲既而果然

崇祐廟 俗云烏龍王廟在縣東八十二里金牛山下宋紹興十一年以禱雨驗賜額

朝宗王廟 在縣西七十里宋高宗賜祝文朱將軍廟 在縣東三十六里黃岡祀邑人朱彝邑志曰朱將軍廟有二一在黃岡一在袁花東彝能拔牛尾倒行宋治平初溺海爲神者靈應寶祐三年十月勅封佑靈將軍元大德二年以捍海立廟黃岡西進封護國弘祐公其廟在袁花東北者後羽流增飾仙真俗因呼爲天仙府

鎮海廟 距南城百步負郭面塘內祀捍海諸神明崇禎戊辰海決潮水高丈餘廟內獨不入人咸異之

伍公廟 元成宗大德三年以海患加封吳大夫伍員曰忠孝威惠顯聖王先是祠圯後重建背海寧南城在捍海塘之陽

胡令公廟 在長安鎮祀唐胡進英濟侯廟 俗稱捍沙王廟在縣東三十里相傳蕭山布衣張某溺海爲神或曰張夏於宋景祐中爲司封郎中受命築堤捍江人賴以安爲之立祠大觀二年封濟安公